



Synfocity = 570

mail us at : mzsynfo@gmail.com; mizoramsynod@gmail.com - Phone - 2314648

28th January, 2016

- Tun hnaia Saihatlangkawn khuaa Quarters luahlai kang chungkaw 1 hnenah Synod Relief Fund atangin chhawmdawlna Rs. 4,000/- pek a ni.
- **Synod Hospital**
January 27, 2016 (Nilaini) chawhnu dar 2 khan Synod Hospital, Durtlang-a May Bounds Hostel (Student Nurses Hostel) sak thar chu Rev. H. Lalrinmawia, Synod Moderator-in Pathian hnena hlanna hun hmangin a hawng. Hawna Programme hi Hospital Director Dr. L.H Thanga Singson in a kaihrui a, Dr. Lalbiakmawia Ngente, Architect-in Technical Report a pe a, Rev. PC Pachhunga, Exe. Secretary in malsawmna in a tin a ni. He Programme hi Hospital Board Executive member te, Dr. Vanlalruata, Hospital Director kalchhuak ta leh thawktuten an hmang a ni. Synod Hospital, Durtlanga May Bounds Hostel sak thar hi RCC Building a ni a, chhawng nga (Ground +3 + Basement) a sak a ni a; zirlai 126 awm theihna tura ruahman a ni. Hostel building hi a dung 148', a vang 34' leh a san zawng hi 52' a ni. A lei thutchin (ground coverage) hi 3456 sqft (321.19 sqm) a ni a, a building pumpui zau zawng (total floor area) hi 19,008 sqft (1766.51 sqm) a ni. (For details, visit www.mizoramsynod.org)
- **MSSU**
 - ♦ January 28, 2016 (Ningani) zan hian Lawipu Veng Kohhranah Sunday School zirtirtu training neih a ni dawn a, hemi hun hmanpui tur hian Upa Lalthahluna Ralte, MSSU Asst. Coordinator a kal ang.
 - ♦ January 30 - 31, 2016 chung khian Damparengpui Bial-ah Sunday School zirirtu training neih a ni a, hemi hun hmanpui hian Upa Lalthahluna Ralte, MSSU Asst. Coordinator leh Upa Lalchhuanawma, MSSU Trainer te an kal ang a, inrinni zan atangin bial chung kohhran hrang hrangah hun an hmang bawng ang.
- **Zin**
January 29 - 30, 2016 chung hian Chhim bial committee nei turin Rev. H. Lalrinmawia, Moderator, Rev. Lalramliana Pachuau, Sr. Executive Secretary, Upa. H. Ronghaka, Synod Secretary (Sr.), Rev. K. Lalrinmawia, Rev. Lalchhuanmawia leh Upa C. Lalngakliana te an kal ang.
- **Obituary : Rev. Vanlalfaka (1944-2016)**
Rev. Vanlalfaka (1944 - 2016) Chawnpui veng chu Celebral Ataxia natna vangin January 22, 2016 (zirtawpni) zan dar 7 khan chatuan ram min pansan a, a tuk (January 23, 2016) khan vuiliam a ni.
Rev. Vanlalfaka hi Pu Chalkhuma (L) leh Vanzingi (L) te fa 10 (Mipa 6 leh hmeichhe 4) zinga a upa ber dawttu niin, July ni 10, 1944 khan Biate khuaah a piang a, Kum 1968-ah Thingsulthliah Bial Pro. Pastor a nih laiin Baktawng Biak Inah Zahliri d/o VL Bawia nen innein fapa 3 leh fanu 1 an nei a ni.
Rev. Vanlalfaka hian chungkaw harsatna avangin duh angin lehkha a zir sang thei lova, Graduate nih erawh a tumin hnathawk chungin a theih ang angin a zir chho zel a. Tlangpui khuaah Primary a zova, Sialhawk-ah ME School a zir leh a. High School chu Biate-ah zirin, Pawl 10 a zawh hmain Diploma in Theology, ATC-ah a zir a, 1965-ah zovin a kum leh 1966 atangin Pro. Pastor hna a thawk tan a. 1969-ah Pro. Pastor ni chungin Serampore Matric a zo. Kum 1975 khan Eastern Theological College, Jorhat-ah B.Th. a zova, 1979-ah BD zova, 1984-ah Vellore atangin Christian Counselling a zo leh a ni.
Pastor a nih hna a awm tawhna te :
1968 - 1972 : Darlawn Bial
1972-1975 : B.Th zirin ETC Jorhat
1975-1984 : Lokicherra Bial
1985-1991 : Serchhip Bial
1992-1996 : Champhai Vengthlang Bial
1997 : Synod Moderator
1998-2000 : Executive Secretary
2001-2003 : Senior Executive Secretary
2004 : Principal, Presbyterian Bible School
2004-2006 : Synod Finance Officer
Pastor a nih chungin nupa tuak 390 a inneitir a, mi 4,367 Baptisma a chantir tawh bawng. Kum 2005-ah Pastor hna atangin a Pension a, hemi hnuah pawh hian rawngbawlna hrang hrangah a theih tawkin a inhmang zui bawng.
Kum 2006 vel atangin a tha (nerve) lamah harsatna a nei tan a. Hemi kum September thlaah GNRC Guwahati panin, a natna hi thluak natna chi khat (cerebral ataxia) a ni tih hmuh chhuah a ni a. He natna hi damdawi hmanga tihtamna awm lo, zawi zawia nasa telh telh chi a ni a. Hei vang hian a natna timuang thei tura enkawl a ni. A natna hi zual zelin amah pawh insaseng hlei thei lovin kum 2009 atangin a awm tan a, hemi kum atang hian Biak In pawh a thlang thei ta lo.
November 4, 2015 (Nilaini) chawhna dar 10:30 vel khan a khua sikin thawk lamah harsatna a nei tan a. Chawhnu dar 2 velah Synod Hospital, Durtlang-ah admit-in Oxygen pek nghal a ni. November 19-ah in lamah enkawlzui a ni a, December 4-ah checkup turin Synod Hospital panpuiin admit leh nghal a ni. December 12-ah damdawi In atangin in lamah enkawl turin hawpui leh a ni a. Heta tang hian that chhuah tak tak nei lovin January, 22, 2016 zan dar 7 khan Chatuan ram min lo pansan ta a ni.
Rev. Vanlalfaka vuina inkhawm hi January 23, 2016 inrinni chhun dar 12:30-ah khan Chawnpui Kohhran Biak Inah neih a ni a, Rev. H. Remthanga, Finance Officer-in a vui a ni. (For more Information, Please visit : www.mizoramsynod.org)
- **Hruaina Eng FM Radio & TV Programme**
 - ♦ **JANUARY 29, 2016 (FM ZOAWI AIZAWL @ 7:30 P.M.):**
Zaipawl : Besy Choir - Ka inhlan e Lalpa, **Solo :** Vla - Siamtu kutchhuak, **Sermon :** Upa Bonny Lalrindika - Kristianna leh chungkua, **Zaipawl :** Synod Choir - Lalthutthleng kiangah, **Solo :** Mapuii - Kros vangin
 - ♦ **JANUARY 29, 2016 (FM LUNGLEI @ 7:30 P.M.):**
Zaipawl : Besy Choir - Ka inhlan e Lalpa, **Solo :** Vla - Siamtu kutchhuak, **Sermon :** Upa Bonny Lalrindika - Kristianna leh chungkua, **Zaipawl :** Synod Choir - Lalthutthleng kiangah, **Solo :** Mapuii - Kros vangin
 - ♦ **JANUARY 31, 2016 (Tv Programme) @ 3:00 p.m) :**
Weekly Round Up, Bial KTP Conference

- **Susamachar Prasaran Programme**
 - ◆ **JANUARY 31, 2016 (Pathianni) 5:00 pm.:**
Group/Choir/Solo : Durtlang Kohhran Masihi Sangati - Sabalai, **Group/Choir/Solo** : The Leprosy Mission Choir - Ham Soup Te He, **Sermon** : Lalhmingthanga, **Group/Choir/Solo** : Kristian Centre Zaipawl - Hawale, **Group/Choir/Solo** : Aizawl Venglai Masihi Sangati - Adhare
- **Moderator Programme**
 Synod Moderator Rev. H. Lalrinmawia chuan tunkar tawpah hetiang hian hun a hmang ang :
 - ◆ January 30, 2016 Zan Sialsir Kohhran Khawlailung Bial
 - ◆ January 31, 2016 Chawhma Venghlun Kohhran Khawlailung Bial
 - ◆ January 31, 2016 Chawhnu Chekawn & Chekawn Venglai Kohhran Khawlailung Bial
 - ◆ January 31, 2016 Zan Khawlailung Dinthar Kohhran Khawlailung Bial

**MASIHI SANGATI KENDRA
EVANGELIST TIRH CHHUAHNA**

PROGRAMME

A hun : January 31, 2016 (Pathianni) Dar 1:30pm
 A hmun : Vaivakawn Kohhran Biak In

Chairman	:	Rev. K. Lalrinmawia <i>Secretary, Synod Mission Board</i>
Zaihona	:	'Lalpa ram lak tumin' (KHB No. 338)
Zaipawl	:	Aizawl West Area Standing Choir
Inhmelhriattirna leh Reports	:	Pu. K. Ronghaka, <i>Mission Promoter, SMB</i>
Zaipawl	:	Synod Mission Choir
Tirhchhuahna leh Fuihna	:	Rev. B. Sangthanga <i>Executive Secretary, i/c Mission</i>
Zaihona	:	'Tu Pyar Kiya' (Stuti Geet No. 72)
Tawngtaisakna	:	Rev. RK Lalawmpuia <i>i/c Aizawl West</i>
Zaipawl	:	Vaivakawn Kohhran MS
Zaihona	:	'Mero man logo' (Stuti Geet No 7)
Malsawmna	:	

ADMISSION

Synod Worship Dept. hnuaiah March - May, 2016 chung hian Tonic & Staff Notation zir kawp duhte tan admission hawn a ni leh ta a. Dil duhte tan Synod Office, Worship Department-ah Dilna Form lakchhuah theih a ni. Dilna form-ah hian mahni awmna Kohhran lehkha thil tel tur a ni.

- ☞ **Dil theih hun chung** : February 24, 2016 (Nilaini) thleng
- ☞ February 25, 2016-ah seat chang turte hming tar chhuah a ni ang.
- ☞ February 26 - 29, 2016 chungin admission tih fel vek tur a ni ang.
- ☞ March 1, 2016 (Thawhlejni) atangin Class tan a ni ang.
- ☞ Hriat tur tul dang chu Application Form-ah tarlan a ni.

REV. B. SANGTHANGA
Executive Secretary i/c Worship

SYNOD HSS CLASS IX ADMISSION

Synod Higher Secondary School-a lut tur te tan:

Admission form lak chhuah hun	:	January 29, 2016 (Zirtawpni)
Last date of Submission	:	February 11, 2016 (Ningani)
Written Test	:	February 13, 2016 (Inrinni) dar 9:00 am - 12:00am (English & Mathematics - CIs - VIII Course)

- **Passport size Photo pakhat (1) thil tel tur a ni ang.
- **Aizawl pawn lam mi tan **Kohhran lehkha** thil tel tur a ni e.

LALVENA HNAME
Principal
Synod Higer Secondary School, Aizawl